

**1. UNIVERZITET U SARAJEVU, Obala Kulina bana 7/II, 71000 Sarajevo**, koga zastupa rektor, prof. dr. Rifat Škrijelj (u daljnjem tekstu: Ugovorni organ)  
ID: 4200494560007 i

**2. BDO BH d.o.o. Sarajevo**, sa sjedištem u ul Dolina broj 11, koga zastupa Ivan Štimac, prokurista (u daljnjem tekstu: Izvršilac)  
ID: 4202095420008

zaključili su

## **UGOVOR**

### **o nabavci usluge revizije finansijskih izvještaja za 2015, 2016. i 2017. godinu**

Ovaj Ugovor se zaključuje na osnovu Odluke broj: 0101-8810-11/17 od 26. 07. 2018. godine o izboru najpovoljnijeg ponuđača, koja je donesena nakon provedenog OTVORENOG POSTUPKA, za koji je dana 15. 01. 2018. godine objavljeno na Portalu javnih nabavki Obavještenje Ugovornog organa o nabavci broj: 999-1-2-4-3-1/18.

#### **I-PREDMET UGOVORA**

##### **Član 1.**

- (1) Predmet ovog Ugovora su usluge revizije finansijskih izvještaja za 2015, 2016. i 2017. Ugovornog organa i njegovih organizacionih jedinica (fakulteti, akademije i instituti), u skladu sa Tenderskom dokumentacijom broj: 0101-8810-3/17 od 15. 01. 2018. godine (u daljem tekstu: Tenderska dokumentacija) i prihvaćenom Ponudom Izvršioca broj: 86/2018 od 05. 02. 2018. godine (u daljem tekstu: Ponuda).
- (2) Izvršilac se obavezuje da stručno, nepristrasno, istinito i objektivno, u skladu sa Ponudom, Tenderskom dokumentacijom, Zakonom o računovodstvu i reviziji, međunarodnim standardima revizije, te drugim pravilima i propisima koji regulišu oblast revizije, izvrši ugovorenu uslugu.
- (3) Izvršilac se obavezuje da će odmah poslije potpisivanja Ugovora Ugovornom organu dostaviti izjavu o neovisnosti Društva i izjavu o neovisnosti revizorskog tima koji će obavljati reviziju.
- (4) Sastavni dio Ugovora je pismo o angažmanu koje potpisuju obje ugovorne strane

#### **II-CIJENA**

##### **Član 2.**

- (1) Ukupna vrijednost ugovorene usluge iznosi: 95.700,00 KM (devedesetpethiljadasedamstotina KM i 00/100) bez PDV-a.
- (2) PDV iznosi: 16.269,00 KM (šesnaesthiljadadvijestotinešezdesetdevet KM i 00/100).
- (3) Ukupna vrijednost ugovorene usluge sa PDV-om iznosi: 111.969,00 KM (stotinujedanaesthiljadadevetstotinašezdesetdevet KM i 00/100).
- (4) Vrijednost ugovorene usluge je fiksna i ne može se mijenjati za vrijeme trajanja ovog Ugovora.

### **III ROK IZVRŠENJA USLUGE**

#### **Član 3.**

- (1) Rok za izvršenje ugovorene usluge je 4 (četiri) mjeseca.
- (2) Ugovoreni rok počinje teći od dana uvođenja u posao, što će ugovorne strane pismeno konstatirati nakon što Ugovorni organ dostavi dokumentaciju traženu Instrukcijom Izvršioca koja je osnov pripreme i usaglašavanja plana revizije za Ugovorni organ i njegove organizacione jedinice.
- (3) Izvršenjem usluge revizije finansijskih izvještaja za 2015, 2016. i 2017. godinu smatra se datum predaje konačnog izvještaja o reviziji Ugovornom organu.

### **IV GARANCIJA ZA DOBRO IZVRŠENJE UGOVORA**

#### **Član 4.**

- (1) Izvršilac se obavezuje da, u roku od 10 (deset) dana od dana zaključenja Ugovora, dostavi bankovnu garanciju za dobro izvršenje ugovora u visini od 10% ugovorene vrijednosti usluge.
- (2) Rok važenja garancije je rok izvršenja ugovorene usluge plus 30 (trideset) dana.

### **V OBAVEZE IZVRŠIOCA**

#### **Član 5.**

Obaveze Izvršioca su:

- da realizuje ugovorenu uslugu u skladu sa zahtjevima utvrđenim Tenderskom dokumentacijom i Ponudom, te u roku koji je utvrđen članom 3. Ugovora;
- da odmah, po potpisivanju Ugovora, dostavi Instrukcije Ugovornom organu i njegovim organizacionim jedinicama kao osnov pripreme dokumentacije za ugovorni organ na osnovu kojeg bi izvršilac mogao napraviti plan revizije i isti usaglasio sa Univerzitetom i njegovom organizacionom jedinicom;
- da sa Ugovornim organom uskladi plan revizije po dinamici izvršenja za Ugovorni organ i njegove organizacione jedinice, a sve u skladu i rokovima iz člana 3. Ugovora;
- da odredi ovlaštenu osobu koja će saradivati sa ovlaštenom osobom Ugovornog organa u toku vršenja ugovorene usluge;
- da u roku od 4 (četiri) mjeseca, od dana uvođenja u posao, što je definirano članom 3. Ugovora, izvrši ugovorenu uslugu za svaku ugovorenu godinu, za Ugovorni organ i za sve organizacione jedinice;
- Izvršilac se obavezuje da sva dokumenta, informacije i podatke iz računovodstvene i druge dokumentacije do kojih dođe u postupku vršenja ugovorene usluge, tretira kao poslovnu tajnu za vrijeme i nakon isteka Ugovora i koristi ih samo za izradu izvještaja o reviziji,
- da dostavi ugovorene izvještaje,
- da ispostavi fakturu odmah po dostavi konačnih izvještaja.

## **VI OBAVEZE UGOVORNOG ORGANA**

### **Član 6.**

Ugovorni organ je obavezan:

- da Izvršiocu osigura: kancelariju, uključujući pristup telefonu i telefaksu, pristup fotokopir aparatu, kompjuteru i printeru, kao i pristup dokumentaciji koja je predmet revizije, računovodstvenim i finansijskim evidencijama i drugoj relevantnoj dokumentaciji u prostorijama Ugovornog organa i u prostorijama njegovih organizacionih jedinica,
- da plati ugovorenu uslugu u roku od 60 dana, a na osnovu fakture ispostavljene u skladu sa članom 5. Ugovora;
- da imenuje ovlaštenu osobu će saradivati sa ovlaštenom osobom Izvršioca u toku vršenja ugovorene usluge i obezbjeđivati dokumentaciju prema potrebi posla revizije, a na zahtjev Izvršioca.

## **VII RASKID UGOVORA**

### **Član 7.**

- (1) U slučaju kršenja odredbi Ugovora, Ugovorni organ i Izvršilac mogu jednostrano raskinuti Ugovor, uz obavezu dostave pisanog obavještenja o razlozima raskida.
- (2) Ugovorni organ može jednostrano raskinuti Ugovor, uz obavezu dostave pisanog obavještenja o razlozima raskida, ukoliko:
  - izvršilac ne bude izvršavao ili ukoliko ne bude u mogućnosti izvršavati ugovorene usluge iz razloga koji ne budu prouzrokovani višom silom;
  - izvršilac ne izvrši ugovorene usluge u roku utvrđenim članom 3. Ugovora.
- (3) Ugovorni organ može u bilo kojem trenutku, uz obavezu pisanog obavještenja Izvršiocu, raskinuti Ugovor, bez prava Izvršioca na naknadu, ukoliko Izvršilac padne u stečaj ili na drugi način postane insolventan.

## **IX VRIJEME TRAJANJA UGOVORA**

### **Član 8.**

Ovaj Ugovor se zaključuje za vrijeme trajanja izvršenja ugovorene usluge u skladu sa članom 3. Ugovora, odnosno do dostave konačnog izvještaja i pisma sa preporukama rukovodstvu Ugovornog organa.

## **X ZAVRŠNE ODREDBE**

### **Član 9.**

Odredbe ovog Ugovora ne mogu se mijenjati nakon njegovog zaključenja.

### **Član 10.**

Na odnose koji eventualno nisu uređeni ovim Ugovorom primjenjivati će se odredbe Zakona o obligacionim odnosima.

### **Član 11.**

Ugovorne strane su saglasne da će eventualne sporove iz ovog okvirnog sporazuma rješavati sporazumno, a u slučaju spora nadležan je Sud u Sarajevu.


**Član 12.**

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

**ZA UGOVORNI ORGAN**

**Rektor**

**Prof. dr. Rifat Škrijelj**



**ZA IZVRŠIOCA**

**Prokurista**

**IBDO**

BDO BH d.o.o.  
Sarajevo  
Društvo za reviziju

**Ivan Štimac**

Broj: 0101-8810-12/17  
Sarajevo, 18. 09. 2018. g.

Broj: 062-U/2018/RIS-17  
Sarajevo, 18. 09. 2018.